

საქართველოს მთავრობის

დადგენილება №240

2019 წლის 23 მაისი

ქ. თბილისი

„2019 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2018 წლის 31 დეკემბრის №693 დადგენილებაში ცვლილების შეტანის თაობაზე

მუხლი 1

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „2019 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2018 წლის 31 დეკემბრის №693 დადგენილებაში (www.matsne.gov.ge, 31/12/2018, 470000000.10.003.021008) შეტანილ იქნეს ცვლილება და დადგენილებით დამტკიცებული „2019 წლის ჯანმრთელობის დაცვის სახელმწიფო პროგრამების“:

1. №1 დანართის („დაავადებათა ადრეული გამოვლენა და სკრინინგი“):

ა) მე-2 მუხლის პირველი პუნქტი ჩამოყალიბდეს შემდეგი რედაქციით:

„1. პროგრამის მოსარგებლეები არიან საქართველოს მოქალაქეები, მათ შორის, მე-3 მუხლის „თ“ ქვეპუნქტის მოსარგებლეები არიან MICS კვლევაში მონაწილე 2-დან 7 წლამდე ასაკის ბავშვები (რომელთა სისხლში ტყვიის შემცველობა 5 მკგ/დლ-ზე მაღალია) და მათი ოჯახის წევრები (18 წლამდე ასაკის ბავშვები და ორსულები).“;

ბ) მე-3 მუხლს დაემატოს შემდეგი შინაარსის „თ“ ქვეპუნქტი:

„თ) სისხლში ტყვიის შემცველობის ბიომონიტორინგის კომპონენტს, მათ შორის:

თ.ა) სისხლში ტყვიის შემცველობის დონის განსაზღვრას გრაფიკული აბსორბციის ატომური სპექტრომეტრული ან/და პლაზმური მასპექტრომეტრული მეთოდით, დანართ 1.2-ის შესაბამისად;

თ.ბ) დამატებით დიაგნოსტიკას, მათ შორის:

თ.ბ.ა) ექიმი პედიატრის კონსულტაციას, რომელიც მოიცავს:

თ.ბ.ა.ა) ბავშვის ფიზიკური და ფსიქიკური განვითარების შეფასებას, წინასწარშედგენილი, სპეციალური კითხვარის მეშვეობით;

თ.ბ.ა.ბ) ბავშვის კვებითი სტატუსის განსაზღვრას – კვების რაციონში ვიტამინების, კალციუმისა და რკინის შემცველობის შესახებ ინფორმაციის მიღება;

თ.ბ.ა.გ) ბავშვის მშობლებისათვის (კანონიერი წარმომადგენლებისათვის) საერთაშორისო რეკომენდაციების გაცნობას, ტყვიით ექსპოზიციის შესაძლო წყაროების შესახებ;

თ.ბ.ბ) დიაგნოსტიკური კვლევების ჩატარებას, დანართ 1.3-ის შესაბამისად;

თ.გ) იმ მოსარგებლეებისთვის, რომელთა სისხლში ტყვიის კონცენტრაცია შეადგენს ან მეტია 5 მკგ/დლ-ზე, მედიკამენტებით (რკინის პრეპარატებით, კალციუმითა და მულტივიტამინებით) უზრუნველყოფას, ექიმის დანიშნულების შესაბამისად;

თ.დ) ოჯახის ექიმების, პედიატრებისა და საზოგადოებრივი ჯანდაცვის სამსახურების სპეციალისტების შესაბამისი გუნდების გადამზადებას ტყვიის ტოქსიკური ზემოქმედების ადრეული გამოვლენისა და მართვის საკითხებში.“;



გ) მე-4 მუხლის პირველი პუნქტი ჩამოყალიბდეს შემდეგი რედაქციით:

„1. მე-3 მუხლის „ა.ა“, „ა.ბ“, „ა.გ“, „ბ“, „გ“, „დ“, „ზ“ და „თ“ ქვეპუნქტებით გათვალისწინებული მომსახურების ანაზღაურება ხორციელდება გაწეული მომსახურების მიხედვით, განსაზღვრული ბიუჯეტის ფარგლებში.“;

დ) მე-5 მუხლის:

დ.ა) პირველი პუნქტი ჩამოყალიბდეს შემდეგი რედაქციით:

„1. მე-3 მუხლის „ა“ (გარდა „ა.ბ“ ქვეპუნქტისა), „ბ“, „გ“, „დ“, „ზ“ და „თ“ ქვეპუნქტებით გათვალისწინებული მომსახურების შესყიდვა ხორციელდება „სახელმწიფო შესყიდვების შესახებ“ საქართველოს კანონის მოთხოვნათა შესაბამისად.“;

დ.ბ) მე-3 პუნქტის შემდგომ დაემატოს შემდეგი შინაარსის მე-4 პუნქტი:

„4. მე-3 მუხლის „თ.გ“ ქვეპუნქტით განსაზღვრული მედიკამენტების გადაცემა ბენეფიციარებისათვის ხორციელდება მე-3 მუხლის „თ.ბ“ ქვეპუნქტით გათვალისწინებული მომსახურების მიმწოდებლის მიერ.“;

ე) მე-6 მუხლის პირველი პუნქტი ჩამოყალიბდეს შემდეგი რედაქციით:

„1. მე-3 მუხლის „ა“ (გარდა „ა.ბ“ ქვეპუნქტისა), „ბ“, „გ“, „დ“, „ზ“ და „თ“ ქვეპუნქტებით გათვალისწინებული მომსახურების მიმწოდებელია პირი, რომელიც აკმაყოფილებს შესაბამისი საქმიანობისათვის კანონმდებლობით დადგენილ მოთხოვნებს და განისაზღვრება ამავე დანართის მე-5 მუხლის პირველი პუნქტის შესაბამისად.“;

ვ) მე-8 მუხლი ჩამოყალიბდეს შემდეგი რედაქციით:

„მუხლი 8. პროგრამის ბიუჯეტი

პროგრამის ბიუჯეტი განისაზღვრება 2.485.0 ათასი ლარით, შემდეგი ცხრილის შესაბამისად:

№	კომპონენტის დასახელება	ბიუჯეტი (ათასი ლარი)
1	კიბოს სკრინინგის კომპონენტი	885.0
2	საშვილოსნოს ყელის ორგანიზებული სკრინინგი	20.0
3	1-დან 6 წლამდე ასაკის ბავშვთა მსუბუქი და საშუალო ხარისხის მენტალური განვითარების დარღვევების პრევენცია	83.0
4	ეპილეფსიის დიაგნოსტიკა და ზედამხედველობა	318.0
5	დღენაკლულთა რეტინოპათიის სკრინინგის პილოტი	117.0
6	საინფორმაციო რეგისტრებისა და ელექტრონული მოდულების განვითარება	202.0
7	პრევენციული ღონისძიებების პოპულარიზაცია და საინფორმაციო მხარდაჭერა	100.0
8	ბავშვთა სისხლში ტყვიის შემცველობის ბიომონიტორინგი	760.0
	სულ:	2,485.0.“;

ზ) დადგენილებას №1.1 დანართის შემდგომ დაემატოს შემდეგი შინაარსის №1.2 (MICS კვლევაში მონაწილე 2-



დან 7 წლამდე ასაკის ბავშვებისა და მათი ოჯახის წევრ 18 წლამდე ასაკის ბავშვებისა და ორსულებისათვის სისხლში ტყვიის განსაზღვრისათვის საჭირო ტესტირების ჯერადობა) და №1.3 (MICS კვლევაში მონაწილე 2-დან 7 წლამდე ასაკის ბავშვებისა და მათი ოჯახის წევრ 18 წლამდე ასაკის ბავშვებისათვის დამატებითი დიაგნოსტიკა და კვლევების ჯერადობა) დანართები:

„დანართი №1.2

MICS კვლევაში მონაწილე 2-დან 7 წლამდე ასაკის ბავშვებისა და მათი ოჯახის წევრ 18 წლამდე ასაკის ბავშვებისა და ორსულებისათვის სისხლში ტყვიის განსაზღვრისათვის საჭირო ტესტირების ჯერადობა

	MICS კვლევაში მონაწილე 2-დან 7 წლამდე ასაკის ბავშვები			MICS კვლევაში მონაწილე ბავშვების ოჯახის წევრი 18 წლამდე ასაკის ბავშვები და ორსულები		
ტყვიის დონის განსაზღვრისათვის პირველადი ტესტირების რაოდენობა				1	1	1
ტყვიის დონე სისხლში	5-9 მკგ/დლ	10-34 მკგ/დლ	35-59 მკგ/დლ	5-9 მკგ/დლ	10-34 მკგ/დლ	35-59 მკგ/დლ
ტყვიის დონის განსაზღვრის შემდეგ განმეორებითი ტესტირების რაოდენობა	2	3	5	2	3	5

დანართი №1.3

MICS კვლევაში მონაწილე 2-დან 7 წლამდე ასაკის ბავშვებისა და მათი ოჯახის წევრ 18 წლამდე ასაკის ბავშვებისათვის დამატებითი დიაგნოსტიკა და კვლევების ჯერადობა

დასახელება	MICS კვლევაში მონაწილე 2-დან 7 წლამდე ასაკის ბავშვები და მათი ოჯახის წევრი 18 წლამდე ასაკის ბავშვები, რომელთა სისხლში ტყვიის დონეა:		
	5-9 მკგ/დლ	10-34 მკგ/დლ	35-59 მკგ/დლ
ექიმთან ვიზიტი	1	2	3
სისხლის საერთო ანალიზი	1	1	
ფერითინი	2	2	
C-რეაქტიული ცილა	2	2	
რკინის დონე სისხლში			4
ჰემოგლობინი ან ჰემატოკრიტი			4
შარდში ჰემატინის რაოდენობა			4
მუცლის ღრუს რენტგენოგრაფია			2.“.

2. №2 დანართის („იმუნიზაცია“) მე-8 მუხლი ჩამოყალიბდეს შემდეგი რედაქციით:



„მუხლი 8. პროგრამის ბიუჯეტი

პროგრამის ბიუჯეტი განისაზღვრება 21,956.0 ათასი ლარით, შემდეგი ცხრილის შესაბამისად:

№	კომპონენტის დასახელება	ბიუჯეტი (ათასი ლარი)
1	ვაქცინებისა და ასაცრელი მასალების შესყიდვა	14,366.0
2	სპეციფიკური შრატებისა და ვაქცინების შესყიდვა	160.0
3	ანტირაბიული სამკურნალო საშუალებებით უზრუნველყოფა	5,370.0
4	გრიპის საწინააღმდეგო ვაქცინის შესყიდვა	1,500.0
5	აცრა-ვიზიტისა და ექიმის კონსულტაციის მომსახურება	60.0
6	„ცივი ჯაჭვის“ მოწყობილობების/ინვენტარის შესყიდვა და მონტაჟი	500.0
სულ:		21,956.0.“.

3. №5 დანართის („საზოგადოებრივი ჯანდაცვის, გარემოსა და პროფესიულ დაავადებათა ჯანმრთელობის სფეროში არსებული ვალდებულებების ხელშეწყობა“) მე-8 მუხლი ჩამოყალიბდეს შემდეგი რედაქციით:

„მუხლი 8. პროგრამის ბიუჯეტი

პროგრამის ბიუჯეტი განისაზღვრება 238.0 ათასი ლარით, შემდეგი ცხრილის შესაბამისად:

№	კომპონენტის დასახელება	ბიუჯეტი (ათასი ლარი)
1	სხვადასხვა ტიპის საწარმოებში დასაქმებულთა პროფესიულ ჯანმრთელობასთან დაკავშირებული საკითხების კვლევის კომპონენტი	170.0
2	საზოგადოებრივი ჯანმრთელობის დაცვისა და გარემოს ჯანმრთელობის სფეროში აღებული ვალდებულებების განხორციელების ხელშეწყობის კომპონენტი	68.0
სულ:		238.0.“.

4. №8 დანართის („დედათა და ბავშვთა ჯანმრთელობა“) მე-8 მუხლი ჩამოყალიბდეს შემდეგი რედაქციით:

„მუხლი 8. პროგრამის ბიუჯეტი

პროგრამის ბიუჯეტი განისაზღვრება 7,781.0 ათასი ლარით, შემდეგი ცხრილის შესაბამისად:

№	კომპონენტის დასახელება	ბიუჯეტი (ათასი ლარი)
1	ანტენატალური მეთვალყურეობა, მათ შორის:	5,963.0
1.1	სამედიცინო მომსახურება სიფილისზე ექვის შემთხვევაში	45.0
2	გენეტიკური პათოლოგიების ადრეული გამოვლენა	413.0
3	ორსულებში B და C ჰეპატიტების, აივ-ინფექციის/ შიდსისა და სიფილისის განსაზღვრისათვის საჭირო ტესტებითა და სახარჯი მასალებით (B ჰეპატიტის საწინააღმდეგო იმუნოგლობულინით) უზრუნველყოფა	165.0



4	ახალშობილთა და ბავშვთა სკრინინგი ჰიპოთირეოზზე, ფენილკეტონურიაზე, ჰიპერფენილლანინემიასა და მუკოვისციდოზზე	900.0
5	ახალშობილთა სმენის სკრინინგული გამოკვლევა	90.0
6	მედიკამენტებითა და საკვები დანამატით უზრუნველყოფა, მათ შორის:	250.0
6.1	სამკურნალო საშუალებების (მათ შორის, საკვები დანამატის) ტრანსპორტირება, შენახვა და გაცემა (საქართველოს საბაჟო ტერიტორიაზე საქონლის გაფორმების ხარჯები, მიღება, შენახვა, ტრანსპორტირება და ბენეფიციარებზე გაცემა სამედიცინო დაწესებულებების/აფთიაქების მეშვეობით)	81.0
სულ:		7,781.0.“

მუხლი 2

მოსახლეობის ანტირაბიული ვაქცინებით უწყვეტად მომარაგებასთან დაკავშირებით:

1. საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებულმა სსიპ – ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნულმა ცენტრმა (შემდგომში – ცენტრი) უზრუნველყოს სომხეთის რესპუბლიკიდან და თურქეთის რესპუბლიკიდან ურთიერთდახმარების (ხელშეკრულება/შეთანხმება/ მემორანდუმი) ფარგლებში მიღებული 30 ათასი და 100 ათასი დოზა ანტირაბიული ვაქცინის დაბრუნება იმავე ოდენობით, „2019 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2018 წლის 31 დეკემბრის №693 დადგენილებით დამტკიცებული „იმუნიზაციის სახელმწიფო პროგრამიდან“ შესყიდული რაოდენობის ფარგლებში, კანონმდებლობით გათვალისწინებული ფორმით.

2. ანტირაბიული ვაქცინის ტრანსპორტირება სომხეთისა და თურქეთის რესპუბლიკებში განხორციელდეს ცენტრის მიერ ან უშუალო მწარმოებლიდან/მომწოდებლიდან „ცივი ჯაჭვის პრინციპების“ მკაცრი დაცვით.

მუხლი 3

დადგენილება ამოქმედდეს გამოქვეყნებისთანავე.

პრემიერ - მინისტრი

მამუკა ბახტაძე

